



FILM
OFFALY

OFFALY FILM
COMMISSION

FILMOFFALY – DEONTAS GEARRSCANNÁIN 2024

Treoiríníte

Tá áthas ar FilmOffaly, Coimisiún Scannán Uíbh Fhailí, Deontas Gearrscannáin FilmOffaly 2024 a fhógairt. Is é is aidhm don tionscnamh maoinithe seo scannánaíocht chruthaitheach, sheiftiúil a chothú sa chontae. Tá scéalta bunaidh uathúla á lorg ag FilmOffaly, arna scríobh ag scannánóirí nua cumasacha, idir scannánóirí gairmiúla agus tosaitheoirí. An t-aon choinníoll a bhaineann leis an deontas ná go gcaithfear an scannánaíocht a dhéanamh i gContae Uíbh Fhailí! Molann Coimisiún Scannán Uíbh Fhailí criú áitiúil a úsáid freisin agus gné meantóireachta le haghaidh scannánóirí áitiúla a bheith san áireamh sa léiriúchán. Léirítear é sin sna critéir a leagtar amach thíos. Bronnfar aon deontas amháin ar aon iarrthóir rathúil amháin.

Gheobhaidh an t-iarrthóir a n-éireoidh leis/léi:

- **€12,000** faoi chomhair chostas an léiriúcháin.
- **An chéad taibhiú go háitiúil.**
- **Ceardlann Meantóireachta d'Iarratasóirí ar an nGearrliosta**

Céim a hAon – Dáta deiridh: 12 meán lae, Dé Luain an 11 Márta 2024.

Seoltar an méid a leanas tríd an bpost agus sin amháin (ní ghlacaimid le ríomhphost):

Aon fhoirm Iarratais amháin ar Dheontas Gearrscannáin FilmOffaly 2024

Dhá cóip den script agus dhá chóip d'achomre 500-focal ar an tionscadal scannáin.

TÁBHACHTACH:

- **Aon script amháin in aghaidh an údair agus sin amháin**
- **NÁ CUIRTEAR ainm an údair ná ainm na cuideachta léiriúcháin ar scrípteanna, cóirithe ná achoimrí. Diúltófar do scrípteanna má tá ainmneacha orthu. Ná seoltar CVanna.**
- **Stápláiltear script agus achoimre le chéile, an achoimre ar bharr. (Ná húsáidtear fillteáin, ceangail, clibeanna).**
- **Ní theastaíonn clár tobsmaointe ach amháin más beochan nó cóiriú atá i gceist.**

Moltar, ach níl sé riachtanach, go mbeadh Foireann Chruthaitheach/Léiritheoir agat atá tiomanta do do thionscadal sula gcuirfidh tú d'iarratas isteach, mar beidh an tiomantas sin riachtanach ag Céim 2 den chomórtas.

Déanfar measúnú ar scrípteanna scannáin le haghaidh gearrscannáin d'aon seánra, stíl, topaic nó dearcadh, agus breithneofar iad ar a dtuillteanas féin maidir le cáilíocht an ábhair.

Seoltar chuig: Deontas Gearrscannáin FilmOffaly, An Oifig Ealaíon, Comhairle Chontae Uíbh Fhailí, Bóthar Bhaile an Bhóthair, Tulach Mhór, Co. Uíbh Fhailí.

Céim a hAon ar lean

- Ní mór postmharc **Dé hAoine an 8 Márta 2024** nó roimhe a bheith ar gach iarratas le bheith incháilithe. Iarratasóirí a sheolann iarratais ón Eoraip nó ó áiteanna eile, ba cheart dóibh seachtain bhreise a thabhairt don seachadadh tríd an bpost.
- Ní mór d'ábhair iarratais a bheith i **gcrúachóip amháin, agus ní ar CD.**
- Ní chuirfear ábhair ar ais chugat ach amháin i gcás ina gcuireann tú clúdach sách mór agus do sheoladh air isteach leis an iarratas.
- Ná seoltar ábhar bunaidh isteach.
- Ar mhaithe le do chosaint féin, moltar duit d'iarratas a chlárú leis An Post agus cóipcheart a bheith agat ar aon ábhar a chuireann tú isteach.

Céim a Dó

Cuirfear ceithre iarratasóir ar an ngearrliosta agus beidh orthu an méid seo a leanas a dhéanamh:

1. **Freastal ar Cheardlann Scríbhneoireachta Scripte** le scríbhneoirí scripte gairmiúla.
2. **Pacáiste Léiriúcháin Iomlán a chur ar fáil:**
 - a. **Nótaí** a léiríonn an cur chuige beartaithe.
 - b. **Fianaise ar úinéireacht cheart** (Cóipeanna de gach comhaontú céadrogha agus scríbhneora a rinneadh i ndáil le scéal agus script, más infheidhme don tionscadal).
 - c. **Deimhniú i scríbhinn** i bhfoirm imréitigh agus ceadanna maidir le toiliú an phríomh-ábhair páirt a ghlacadh sa tionscadal.
 - d. **Buiséad** (lena n-áirítear léiriú, criú, roghnú aisteoirí, fruilíú trealaimh, eagarthóireacht, taisteal, ceol, etc. agus fianaise ar bhreis maoinithe).
 - e. **CVanna na foirne cruthaithí beartaithe** (stiúrthóir, léiritheoir, scríbhneoir, eagarthóir, etc.)
 - f. **Aisteoirí beartaithe** – gearrchuntas ar mhionsonraí.
 - g. **Amsceideal**
 - h. **Aon ábhar tacaíochta breise ábhartha.**
3. **Freastal ar agallamh.**

Is ar mhaithe leis an iarratasóir é go bhfreastalódh an oiread ball foirne agus is féidir ar an agallamh. Murar féidir leis an iarratasóir freastal ar an agallamh, fágfar é/í neamh-incháilithe dul san iomaíocht don deontas. Ní roghnófar ach aon dáta amháin don agallamh.

Nótaí d'iarratasóirí

Ní mór do gach iarratasóir cloí leis na coinníollacha a leanas maidir lena n-iarratas.

- **Ní mór gur leis an iarratasóir** iad cearta gach scrípte scannáin a chuirtear isteach, ina n-iomláine, agus ní mór dóibh a bheith saor agus glan ó aon leas tríú páirtí nó aon ualach. Ní mór gurb é an duine agus/nó gurb iad na daoine a chuireann an scrípt scannáin isteach údar/údair na scrípte scannáin agus úinéir/úinéirí na gceart ar fad a bhaineann léi ina n-iomláine (i.e. maidir leis na scrípteanna scannáin ar fad, ní féidir gur díoladh iad roimhe seo, ná gur léiríodh iad, gur tugadh céadrogha ina leith ná gur aistríodh aon cheart ina leith chuig tríú páirtí.)
- Ní mór gur **bhunsaothar an iarratasóra** iad scrípteanna scannáin. Aon saothar díorthach – má tá an scrípt scannáin bunaithe ar shaothar eile in aon mheán – ní mór é a chur isteach le doiciméadacht dhlíthiúil cheart lena gcruthaítear gur leis an té a chuireann an scrípt scannáin isteach iad na cearta bunúsacha nó na cearta díorthacha ina n-iomláine freisin. Má tá an scrípt scannáin bunaithe ar scéal beatha duine éigin eile, go garbh nó go cruinn, ní mór don iarratasóir/do na hiarratasóirí ráiteas a chur isteach lena gcuirtear é sin in iúl, agus é sínithe ag an iarratasóir/na hiarratasóirí, chomh maith le doiciméadacht dhlíthiúil lena ndeimhnítear go bhfuil an ceart ag an iarratasóir/na hiarratasóirí cóiriú den sórt sin a dhéanamh ar an scéal.
- Is chun cuidiú le léiriú gearrscannáin é an deontas seo – is riachtanach é go gcumhdófar na costais ar fad leis an airgeadas a luaitear san iarratas ar an deontas seo, agus go léirítear é sin leis an bhfaisnéis faoi airgeadas a chuirtear isteach. Ní bhreithneofar iarratais a léiríonn easnamh ná iarratais a thugann le tuiscint go mbeidh breis maoinithe de dhíth ón bhfoireann nó go ndéanfaidh an fhoireann iarratas ar bhreis maoinithe. Is amhlaidh an cás lena chinntiú go mbreithneofar gach iarratasóir ar an mbonn airgeadais céanna agus gur féidir an scannán a dhéanamh leis an mbuiséad mar a chuirtear isteach é.
- Ceanglaítear ar iarratasóirí aon fhoinsí eile maoinithe a bhfuil siad ag cur isteach orthu a chur in iúl – ainm na foinse maoinithe agus an méid arna lorg. Eiseofar conradh chuig an iarratasóir a n-éireoidh leis/léi agus tabharfar spriocam dó/di chun an conradh a shíniú agus a sheoladh ar ais.

Critéir Mheasúnaithe

Déanfar measúnú ar iarratais i gcomhthéacs iomaíoch de réir na gcritéar seo a leanas:

- Cruthaitheacht agus cáilíocht an tionscadail bheartaithe
- Réasúnaíocht leis an scannán a lonnú i gContae Uíbh Fhailí (i.e. cén fáth a bhfuil an scannán lonnaithe ann?) Aird ar chlár meantóireachta agus ar chriú áitiúil a úsáid.
- Cuntas teiste na foirne cruthaithí
- Cumas inléirithe na foirne an tionscadal a thabhairt chun críche agus a sheachadadh leis an gciste atá ar fáil mar a léirítear ina mbuiséad.

Chun tuilleadh eolais agus foirmeacha iarratais a fháil, déantar teagmháil le:

FilmOffaly 057 9357400 filmoffaly@offalycoco.ie nó www.filmoffaly.ie

Is Coimisiún Scannán Chomhairle Chontae Uíbh Fhailí é FilmOffaly.



Comhairle Chontae Uíbh Fhailí
Offaly County Council